



UNIVERSITÄTS-
BIBLIOTHEK
PADERBORN

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Prima Conclusio. Sors diuisoria licita est.

urn:nbn:de:hbz:466:1-41113

Prima Conclusio. Sors diuisoria li-
cita est.

Sic sentiunt communiter Doctores locis ci-
tat. Quia quando partes sunt æquales, nec
res diuidenda sine discordia potest diuidi,
fortunæ locus datur ad dirimendas lites : Sic
secundum leges in tribus iudicijs communi-
dandum, familiæ erciscundæ, & finium re-
gundorum sortes admittuntur debitibus serua-
tis conditionibus. Sic Iudæi miserunt sortem
super tunica inconsutili Christi, quæ non po-
terat diuidi. Sic Appianus lib. 2. de bello ciuili
narrat, post mortem Iulij Cæsar is, cùm essent
discrepantes sententiæ in senatu, de remune-
randis interfectoribus, statuit sortibus litem
dirimendam. Sic etiam partes terræ Israëlitis
per sortes distribuebatur. Num. 33. Iosue 15. Io-
seph. lib. 5. antiquit. Iudaic. c. 3. Eadem est ratio
dealiqua pœna subeunda, si contentiosi inter
aliquos, quis soluere debeat, exemplo Ionæ 1.
cap. qui à facie domini fugiens sorte depræhē-
sus est, & in mare deiectus. Seruandum autem
in missione fortium, ut ius sit æquale partium,
ne alicui præiudicium generetur, ut non mit-
tantur sine caufa, hoc enim vanum esset, sed
quando consideratis circumstantijs rerum
& personarum, prudentia dictat, litem, aut
aliud negotium sorte dirimendum esse. Di-
stis casibus, ex Augustini sententia in Epist. 180.

Kk 4 ad

ad Honoratum, annumerari potest, si inter ministros Ecclesiæ fieret disceptatio, qui eorum persecutionis tempore manere deberet, ne fuga esset omnium, & Ecclesia omnino relinqueretur, & qui fugere deberent, ut aliqui in futurum reseruarentur pro Ecclesiæ utilitate, sorte lis finienda est. Idem possit esse casus, si tres aut quatuor tempore pestis curam haberent, & non omnes vellent periculum subire, nec etiam Ecclesiæ expediret. Mos autem capiendi sortes ex vrna, vel situla, vel hydria aquæ, antiquissimus est, ut patet ex illo Plauti in Cassina, ubi senem Virginis amatorum postquam id, quod cupiebat, à seruo impetrare non potuit, inducit italoquentem:

*Intro abi, atq[ue] actutum uxorem huc euoca
ante aedes citò.*

*Et situlam huc tecum afferto cum aqua, &
sortes.*

Secunda Conclusio. In electionibus
Ecclesiasticis non est licitum uti sortibus,

CAP. Ecclesia vestra, de Sortileg. & can.
Non statim. & cap. Non exemplo. 26.
q. 2. & hæc est communis tam Theologorum
quam Canonistarum sententia. Et ratio redi-
ditur, quia huiusmodi electiones Spiritus
sancti